

## EŘ ME PAIS

Sèimpre ina casséina , sèimpre stà campagna  
tött i ricord a g'ö in t'èř cö , me car nudéin,  
andäunda ař paìš řa vista a'c cumpagna  
di campanèini 'd S Ncurà e S. Martéin

Quantí an de storia u gh'è da ricurdà  
i vari siúř ch' j'aun cmandà da 'n casté  
e i paìsauni pòvre , dificili da ardugà  
chi tgniva per Majéin cme cu fössa in fradè.

La in t'èř stóbbi<sub>e</sub> endè che à pascólla a póla  
'n cu adré tött i bibéini, in fiulót magre u şöga,  
ma quäund che in äut u lařas aturne u vóla  
lé à fà èř vèrs dra ciòssa e sótta j'ař à-ì löga.

Ah se a pudèissa ancù es lì in cu tì  
a cùr-se adréřa crigäunda e sautà i fóss  
in cu 'n sa tèsta in fasulètt súti  
e j'óm passäunda che iğ disèiva : balós.

U sù drič e èř campäun<sub>e</sub> lèinte da luntäun  
i ciama tötti au deşnà. E nui a cùr a cà.  
I böi j'ařmiga in ta stàla, in třa cócia èř caun,  
I fiöi aturne aa tàvra chi tréma per tacà.

'D föra l'öumbra di tigli ca rinfreschèiva  
èř röse quasi tött l'an fiuri<sub>e</sub> e i fiui di căump,

in t'is paradiš mi da fiulót à chersèiva  
imparäunda dai libře, ma da a natűra in t'in läump

Tra èr cäunt d'èr gäl e quel di grill řa sèra  
täunte còs da fà, cûrâ , asiste , rispetà  
acsì 'n cu r bestie quäund chi riva in sa turnèra  
istèss in cu j'óm e èr dón<sub>e</sub> d'ina cèrta età.

Cumpagnà da i lavui che u bsogna fa per viv<sub>e</sub>  
't veghi rivà er rundanèin<sub>e</sub>, in an l'e turna andac,  
ma in més a bëi udùi e au rifiurì der riv<sub>e</sub>  
't sèinti che u n'è no mà, tött quel che t'ài fac

A ringrasie u Signuř d'avèim fac nas in t'is paìş  
endè ch'èr don<sub>e</sub> i gäun da fà in cu 'd j' óm dřa tèsta dûřa  
chi un gh'è ne mar ne möunti, ma täunti amìş  
e acsì dřa gèint che a vó sta in pàš in cu a natűra .